





44.199  
4437  
:26



東坡集卷之三十八

內制勅書

賜南平王李乾德歷日勅書

元祐元年十月八日



蘇軾東坡氏著



勅乾德眷彼海隅被予聲教宜有土正之賜以為農事之祥勤郵遠民以開嗣歲

賜新除依前交趾郡王李乾德加恩制告勅書

元祐元年十月十五日

勅乾德朕躬執珪幣大饗帝親盼布湛恩徧暨諸夏卿世綏侯服欽順朝廷宜錫徽章以昭異數

賜外任臣寮正日詔勅書

元祐元年十月二十八日

勅韓絳朕申命日官逆推嗣歲眷予共理頒此成書勉劭農功毋

違時令

賜侍衛親軍馬軍都虞侯劉昌旌進奉賀明堂禮畢馬勅書

元祐元年十一月二十日

勅劉昌旌大事告成多方同慶汝以分符之重特修效馬之儀載

念勤誠不忘嘉歎

賜外任臣寮進奉興龍節馬詔勅書元祐二年四月十三日

勅韓縝誕彌之慶遠邇攸同眷惟外服之良來效右牽之禮言念

誠恪不忘歎嘉

賜溪洞蠻人彭允宗等進奉端午布勅書元祐二年五月十日

勅彭允宗等汝族居裔壤心慕華風來修任土之儀遠效充庭之

實載惟勤惻良用歎嘉

賜權陝府西路轉運判官孫路銀絹獎諭勅書元祐二年六月二十八日

為築蘭州西荆堡成下同

勅孫路宣力計臺悉心邊政相視衿要繕完保鄣訖用有成不愆于素使虜無可乘之便民有足恃之安乃眷忠勤不忘嘉歎

賜知蘭州王文郁銀絹獎諭勅書元祐二年六月二十八日

勅王文郁汝以禦侮之才當專城之寄百堵皆作三月而成非威

東坡集卷三十一  
服民夷身先士卒則安能以一時之役成無窮之利達于朕聽良用歎嘉。

賜新除依前靜海軍節度使進封南平王李乾德制誥勅書

元祐二年

七月八日

勅朕子養兆姓囊括四荒譬之於天豈吝膏澤卿守藩滋久事上益虔高爵隆名極其榮顯庶緣大寵以服民心其思盡忠以稱恩禮

賜外任臣寮進奉坤成節銀勅書

元祐二年七月二十八日

勅劉昌祚汝承流外服雅意本朝爰因載誕之辰遠致同寅之禮

眷惟忠盡良極歎嘉

賜西南羅藩進奉敕書

元祐二年九月二日

勅汝世爲要服時欵塞垣志慕華風來修職貢載惟忠恪良用歎  
咨

賜諸路知州職司等并總管鈐轄至使臣初冬衣襖勅書

勅馮潔已王事靡盬日月其除屬霜露之戒寒待衣裘而卒歲宜加寵錫以示眷懷

賜諸路蕃官并溪洞蠻人初冬衣襖勅書

勅賸職在捍邊志常向內屬此嚴凝之候宜均輕煖之恩服我

寵頒益思忠報

賜諸路屯駐駐泊就糧本城諸負寮等初冬衣襖都勅

勅汝等久勤外服屬戒祈寒爰念捍城之勞普均挾纊之惠

賜外任臣寮等進奉坤成節功德疏詔勅書

元祐二年九月二十四日

勅馮京職雖在外忠不忘君集勝妙之良因致壽康之善禱谷言

誠盡良極歎嘉

賜朝奉郎通判梓州趙君奭進奉坤成節無量壽佛勅書

元祐二年九月二十四日

勅趙君奭相好妙嚴衷誠傾盡汝期乃后享無量之年吾欲斯民

同極樂之世永言忠愛良用歎咨

沿路賜奉安神宗御容押班馮宗道并內臣等銀合茶藥勅

書

元祐二年十月七日

勅馮宗道逮事有年追遠不懈屬祠官之告具驂日馭以過征往

復之間忠勞亦至特加存問尚體至懷

賜五臺山十寺僧正省竒等進奉興龍節功德疏等獎諭勅

書

元祐二年十一月一日

勅省竒等清涼之域仙聖所游爰因彌月之辰來獻後天之祝永言勲至良極歎咨

賜外任臣寮歷日勅書元祐二年十一月四日

勅韓縝朕肇修人紀祗畏天明欽若舊章式頒新曆凡我承流之寄共成平秩之功

賜于闐國黑汗王進奉登位敕書元祐二年十一月十一日

勅卿守藩西極慕義中華遠聞踐阼之新來致榆山之貢眷言忠恪良用歎咨

賜于闐國黑汗王進奉示諭敕書元祐二年十一月十一日

勅卿遠馳信使來效貢琛載詳重譯之言深亮勤王之意益隆褒賜以荅忠誠

賜外任臣寮進奉興龍節馬敕書元祐二年十一月二十四日

勅劉永年汝職在蕃宜義均休戚旅庭稱慶因物見誠乃眷忠勤不忘嘉歎

賜溪洞彭儒武等進奉興龍節溪布敕書元祐二年十一月二十八日

勅彭儒武汝世能保境志在觀光遠修任土之宜來備充庭之寶載惟忠恪良極歎嘉

賜保州團練使潞州總管王寶進奉戀闕并到任馬敕書元祐三年正月七日

敕王寶汝以選掄出分憂寄來效充庭之駿以將衛上之誠再省

忠勤良深嘉歎

賜知乾寧軍內殿承制張赴獎諭敕書元祐三年四月十八日

敕張赴橫流之災所在蒙害惟吏得其人則公私賴之使者列上有司不以時聞歲月既遠予猶汝嘉故茲獎諭想宜知悉

賜于闐國黑汗王進奉示諭敕書二首元祐三年五月一日

敕卿恪居蕃守申遣使車來款塞垣恭修壤貢忠誠遠褒歎良深

二

敕卿守土西極馳誠中華璧馬允庭尚識漢儀之舊織皮在筐聊觀禹貢之餘載省忠勤不忘嘉歎

賜于闐國黑汗王男被令帝英進奉敕書

敕汝世敦忠厚志慕聲明遠附奏函亦馳貢篚載惟恭順良極歎  
咨

賜五臺山十寺僧正省可已下獎諭敕書元祐三年六月十八日

敕清涼之峯仙聖所宅爰修淨供以慶誕辰再省恭勤不忘嘉歎

示諭武泰軍官吏軍人僧道百姓等敕書元祐三年八月十八日

敕朕以苗授賦材勇嚴馭衆整暇擢為宿衛之長寵以節旌之榮惟爾邦人當諭朕意

賜殿前都虞侯寧州團練使知熙州劉舜卿進奉賀冬馬敕

書元祐二年閏十月十八日

敕劉舜卿職在分憂忠存衛上屬此秦正之日遠輸冀產之良冉省忠勤不忘嘉歎

賜外任臣寮進奉興龍節馬詔敕書元祐二年閏十月十八日

敕劉舜卿汝忠於衛上遠不忘君爰因彌月之長來效充庭之寶眷言勤篤良極歎嘉

賜西南蕃莫世忍等進奉敕書元祐四年正月二十一日

敕莫世忍汝守土遐陬歸誠北闕梯山修貢欵塞觀光言念忠勤至於嘉歎

賜五臺山十寺僧正省高等獎諭敕書十月二十一日下院

敕異景靈光久聞示化寶祠淨供爰慶誕彌念此恭勤至於嘉歎  
內制口宣

雄州撫問大遼國賀興龍節使副口宣元祐元年十月六日

有勅卿等遠犯風埃久勤輶傳入疆茲始授節少安申命撫存式昭眷獎

趙州賜大遼賀興龍節人使茶藥口宣元祐元年十月六日

有勅卿等遠飭使輶來陳慶幣川途甚阻風霧可虞特示至恩往頒名劑



賜正議大夫同知樞密院事安燾乞退不允批荅口宣元祐元年

十月十日

有敕卿被遇先帝勤勞有年逮于眇躬倚注彌重宜安厥位毋重力辭

賜宰臣呂公著生日禮物口宣元祐元年十月十六日

有敕朕之元老生以茲辰實為邦國之華豈獨閨門之慶故命爾息往宣余懷仍分廡庫之良以助子孫之壽

相州賜大遼國賀興龍節使副御筵口宣元祐元年十月十八日

有敕卿等遠馳信幣來慶誕辰眷言四牡之勞宜享加籩之禮式

頒寵數以示至恩

趙州賜大遼國賀太皇太后正旦使副茶藥口宣元祐元年十月十八日

八日

有敕卿等奉將邦幣馳會感元眷言夙駕之勤方次中途之館宜頒靈劑以喻至懷

趙州賜大遼國賀皇帝正旦使副茶藥口宣元祐元年十月二十八日

有敕卿等逖修隣好方次州封言念沍寒想勤跋履特頒名劑以示眷懷

雄州白溝驛賜大遼賀正旦人使御筵口宣元祐元年十一月二日

有敕卿等遠馳使節來慶春朝屬歲律之凝嚴涉道塗之修阻宜  
頒宴衍以勞勤劬

賜鎮江軍節度判大名府韓絳詔書湯藥口宣二首  
元祐元年十一月十一日

月九日

有敕卿德望之隆中外所屬誠請雖極輿論未安母復懷歸以勤  
北顧特頒良劑以輔至和

元祐元年十一月十日

有敕方面重寄無逾老成邱園歸休難遂雅意特頒珍劑以示至  
懷方此沍寒益加調養

賜新除依前中大夫守中書侍郎呂大防辭免恩命不允斷

來章批荅口宣  
元祐元年十一月十一日

有敕大政所關西臺為重朕難其選無以易卿宜即欽承母煩退  
避

賜新除中大夫守尚書右丞劉摯辭恩命不允斷來章批荅

口宣  
元祐元年十一月十五日

有敕卿嘉猷屢告清議所歸授受之間臣主無愧速起視事副朕  
所期

賜正議大夫同知樞密院事安燾乞外郡不允斷來章批荅

口宣 元祐元年十一月十六日

有敕卿職在樞要表儀百官進當以禮退當以義今茲求退其義安在亟還視事毋復固辭

班荆館賜大遼國賀興龍節人使赴闕口宣 元祐元年十一月二十一日

有敕卿等抗旌遠道弭節近郊乃眷勤勞良深軫念特頒燕衍以示惠慈

班荆館賜大遼賀興龍節人使到闕酒果口宣 元祐元年十二月初一日

有敕卿等肅將信幣來慶誕辰眷言行李之勞宜有燕休之賜受茲芳酌體我眷懷

雄州賜大遼賀正旦人使廻程御筵口宣 元祐元年十二月六日

有敕卿等出疆繼好已事言還跋履冰霜憇休館舍宜有燕私之寵以旌來往之勤

賜河東路諸軍來年春季銀鞋兼傳宣撫問臣寮將校口宣

元祐元年十二月十二日

有敕汝卿等從事邊陲服勤師律方踐更於春令諒率履於天和特有匪頒以昭眷遇

送伴正旦使副沿路與賀北朝生日并正旦使副相見傳宣

撫問口宣 元祐元年十二月九日

有敕卿等方冬出使涉春在途遠犯風埃想勤跋履勉加鞭策卽  
造會朝

賜大遼賀正旦人使正月一日入賀畢就驛御筵口宣元祐元年

十二月十一日

有敕卿等遠飭使輶來修舊好屬此方春之日宜均既醉之歡爰  
命燕胥以昭眷寵

就驛賜大遼賀正旦人使銀鈔鑼唾盂孟子錦被褥等口宣

元祐元年十一月十六日

有敕卿等遠馳信幣來慶春朝眷言行李之勞方茲舍館之定宜

加頒資用示寵嘉

班荆館賜大遼賀正旦人使却回御筵口宣元祐元年十一月十九日

有敕卿等遠達使辭載嚴歸駟方改轅於北道暫弭節於都門益  
重眷懷往伸燕饌

相州賜大遼賀正旦人使却回御筵口宣元祐元年十二月二十二日

有勅卿等歲首奉觴禮成復命改轅北道弭節近藩宜錫宴私以  
彰眷寵

就驛賜大遼賀正旦人使廻程酒果口宣元祐元年十二月二十四日

有敕卿等抗旌旋復弭節少留風埃浩然徒馭勤止宜有珍芳之

賜以昭眷寵之殊

賜大遼賀正旦人使朝辭訖就驛御筵口宣元祐元年十二月二十五日

有敕卿等來修舊好克備多儀既陛見以告辭將駕言而反命載

嘉勤勩宜錫燕私

班荆館賜大遼賀正旦人使廻程酒果口宣元祐元年十二月二十八日

有敕卿等遠會春朝恪修隣好既卒聘事豈無燕私宜就錫於加

邊蓋式昭於異數

撫問熙河蘭會路臣寮口宣元祐二年正月二十五日

有敕卿等服勤疆場賦政兵民言念劬勞實分憂顧特加存問以

示眷懷

撫問資政殿學士知楊州王安禮口宣元祐二年正月二十七日

有敕卿久去廊廟出臨江淮緩懷流忘肅渴寇盜遠惟勤瘁特示

撫存

賜皇叔祖保信軍節度使安康郡王宗隱生日禮物口宣元祐二年二月四日

二年二月四日

有敕卿屬尊望重德厚慶隆方誕育之令辰有匪頒之故事克膺

壽祉永服寵光

賜皇叔祖昭信軍節度使漢東郡王宗瑗生日禮物口宣元祐二年二月四日

二年二月二日

有勅卿爵齒既隆德望斯稱載更誕日胥慶家庭式侑燕私以資壽卍

寒節就驛賜于闐國進奉人御筵口宜  
元祐二年二月二日

有敕汝等觀光上國述職遐方屬茲改火之辰想有懷歸之念宜頒燕衍以示恩私

賜皇叔祖寧國軍節度使華原郡王宗愈生日禮物口宜  
元祐二年二月二十七日

有敕卿望重宗盟德隆藩服載協誕彌之日且光膺積慶之餘特示

寵頒永壽卍

賜新除保寧軍節度使馮京告敕詔書茶藥口宜  
元祐二年三月二十

八日

有敕全魏之寄舊德為宜勉即征途以答民望往頒珍劑昭示眷懷

賜鎮江軍節度使充集禧觀使韓絳詔書茶藥口宜  
元祐三年三月

二十  
八日

有敕卿德齒俱高誠請彌確重以民事久勞元臣既飭還車宜頒珍劑尚加調養以副眷懷

賜太師文彥博乞致仕不允批荅口宣元祐二年三月二十九日

有敕卿德望冠於累世風采聞於四夷方茲仰成倚以為重退老之請所未欲聞

賜宰相呂公著乞退不允批荅口宣元祐二年三月二十九日

有敕卿柱石本朝著龜當代方茲注意實所仰成宜體朕心姑安其位

賜交州進奉人朝見訖就驛御筵口宣元祐二年四月五日

有敕汝等恭持方物來款塞垣冒涉修途觀光上國宜頒燕勞以示恩私

白溝驛賜大遼賀正成節人使御筵兼傳宣撫問口宣元祐二年

四月十七日

有敕卿等肅將慶幣遠涉修塗風埃浩然徒馭勤止宜頒燕衍以示眷懷

賜尚書左丞李清臣乞退不允批荅口宣元祐二年四月二十七日

有敕卿綜轄樞機雍容廊廟義當體國謀豈先身往喻至懷少安舊服

賜集禧觀使鎮江軍節度使開府儀同三司韓絳到闕生餼

口宣元祐二年五月十一日

有敕卿力辭繁劇歸卽燕安想見老成渴聞嘉話特頒牢醴以勞  
驂駢

班荆館賜大遼國賀坤成節人使到闕御筵口宣

元祐二年六月二日

有敕卿等肅將慶幣垂及都門遠涉暑塗想懃行李式頒燕衍以  
示恩私

賜護國軍節度使檢校太師濟陽郡王曹佺生日禮物口宣

元祐二年六月九日

有勅卿世濟勲勞德隆藩戚屬此誕彌之日豈無燕喜之私膺我

寵頒永增壽祉

賜皇弟山南東道節度使開府儀同三司佖生日禮物口宣

元祐二年六月十八日

有敕卿以棣華之親襲瓜瓞之慶載臨誕日宜厚寵頒服我異恩

永膺介福

就驛賜大遼賀坤成節使副銀鈔鑼錦被褥等口宣

元祐二年六月

二十日

有敕卿等遠持慶幣來講鄰歡徒御少休舍館既定首膺寵錫當

體眷懷

賜皇伯祖彰化軍節度使高密郡王宗晟生日禮物口宣

元祐



二年七月一日

有敕卿德茂宗枝望隆公衮推本流長之慶有嘉震肅之辰宜示寵頒以綏壽祉

賜知樞密院事安壽已下罷散坤成節御筵口宣

有敕卿等忠存體國義切戴君結妙果於三乘祝慈闈之萬壽宜膺寵錫以示眷存

玉津園賜大遼賀坤成節人使射弓例物口宣  
元祐二年七月八日

有敕卿等致命寶鄰出游禁籞爰敦射事以佐賓歎宜旌審固之能式厚珍良之賜

賜大遼賀坤成節人使生餼口宣  
元祐二年七月八日

有敕卿等遠涉修塗來陳慶幣舍館初定徒馭實勞宜錫餼牽以昭寵數

相州賜大遼賀坤成節人使却廻御筵口宣  
元祐二年七月八日

有敕卿等遠涉歸途再離秋暑駕言近郡少憇旋車宜示眷懷往頒燕俎

瀛州賜大遼賀坤成節人使回程御筵口宣  
元祐二年七月十日

有敕卿等抗旌來聘已事言還方次邊城少休候館宜頒燕俎以勞歸驂

賜大遼賀坤成節人使內中酒果口宣

元祐二年七月十一日

有敕卿等遠馳使傳申請隣歡既執贊以造廷亦展幣而成禮宜加寵錫以示眷存

賜太師文彥博已下罷散坤成節道場香酒果口宣

元祐二年七月十一日

有敕卿翊贊大猷倡先多士方慈闈之獻壽嚴法會以薦誠宜有寵頒以昭殊眷

賜知樞密院事安燾已下罷散坤成節道場香酒果口宣

元祐二年七月十一日

有敕卿等同謁忠嘉助成孝治方慈闈之獻壽嚴法會以薦誠宜有寵頒以昭殊眷

坤成節就驛賜于闐國進奉人御筵口宣

元祐二年七月十一日

有敕汝等欵塞觀光趨庭效真屬誕彌之稱慶均燕衍以示慈祗服寵嘉式旌忠恪

賜殿前都指揮使燕達已下罷散坤成節道場香酒果口宣

元祐二年七月十二日

有敕卿等同罄純忠力修勝果用祈慈壽既徹梵筵宜有寵頒以昭眷遇

賜皇伯祖鎮南軍節度使開封儀同三司宗暉已下罷散坤

成節道場香酒果口宣元祐二年七月十二日

有敕卿表率宗盟助成孝治祝延慈壽仰扣佛乘既畢梵筵宜加

寵賚

賜平海軍節度使駙馬都尉李璋已下罷散坤成節道場香

酒果口宣元祐二年七月十二日

有敕卿等乃心王室同輸欲報之誠稽首佛乘共祝無疆之壽既

成法會宜示寵頒

賜皇叔揚王荆王禮泉觀散坤成節道場香酒果口宣元祐二年七月十二日

十二月十二日

有敕卿等德冠邦家義兼臣子修勝緣於西竺祈壽嘏於南山宜

有寵頒以成法會

雄州撫問大遼使副賀正成節口宣元祐二年七月十二日

有敕卿等抗旃修好馳傳及疆遠涉暑途實勞驂馭特加存撫式

示眷懷

班荆館賜大遼賀正成節人使回程酒果口宣元祐二年七月十六日

有敕卿等講成聘禮歸次都門復此少留逝將言邁宜頒餞犖以

寵行驂

賜皇叔揚王顥生日禮物口宣 元祐二年七月十九日

有敕卿屬尊魯衛德重間平每臨載育之辰永錫無窮之慶宜膺寵數以介壽祺

賜新除知樞密院安燾辭免恩命不允斷來章批荅口宣 元祐二年八月五日

元祐二年八月五日

有敕卿以舊德簡在朕心成命既孚愈言成穆宜卽祗受母煩固辭

賜熙河秦鳳路帥臣并沿邊知州軍臣寮茶銀合兼傳宣撫

問口宣 元祐二年八月一日

有敕卿等夙分邊寄深識虜情屬此盛秋勞於警備宜加寵賚以示眷懷

賜熙河秦鳳路提刑轉運茶銀合兼傳宣撫問口宣 元祐二年八月一日

有敕卿持節宣風久分憂寄調兵足食想極賢勞宜有寵頒以彰眷遇

賜觀文殿大學士光祿大夫知永興軍韓縝茶銀合兼傳宣

撫問口宣 元祐二年八月十日

有敕卿釋政廟堂均勞方向兵民之重綏御實勞往諭至懷仍加

寵賚

賜皇弟武成軍節度使祁國公德生日禮物口宣元祐二年八月十六日

有敕卿棣華夔慶桐葉分封載臨震肅之辰特致壽康之祝其膺

寵錫以介神休

賜皇叔成德荆南等軍節度使守太尉開府儀同三司荆王

頽生日禮物口宣元祐二年八月二十日

有敕卿以名世之傑居叔父之親乃眷良辰實鍾餘慶且膺異數

之禮永錫無疆之休

賜宰相呂公著乞外任不允批荅口宣元祐二年八月二十二日

有敕全德之老朕所仰成大義未安卿當畏去純忠所激微疾自

除

賜宰相呂公著乞罷相位不允斷來章批荅口宣元祐二年八月二十日

八日

有敕卿之在位為德與民朕意不移徒煩屢請速起視事毋復固

辭

賜皇弟定武軍節度使開府儀同三司咸寧郡王悛生日禮

物口宣元祐二年八月二十八日

有敕眷予母弟誕慶茲辰載詠斯干之祥宜均既醉之福祗膺寵  
數永錫壽祺

賜太師平章軍國重事文彥博辭免八朝拜禮允批荅口宣

元祐二年八月二十八日

有敕卿勲德愈高謙恭不伐盡事君之禮忘屈身之勞重違吉  
特寢前命

熙河蘭會路賜种誼已下銀合茶藥及撫問犒設漢蕃將

以下口宣元祐二年九月二日

有敕汝等受成元帥問罪種羗既俘凶渠備見忠力各加犒賜用  
示眷懷

賜保靜軍節度使檢校司空開府儀同三司建安郡王宗綽

生日禮物口宣元祐二年九月二日

有敕位隆將相德重宗藩方秋律之既深紀門弧之多慶宜膺寵  
錫以介壽祺

撫問劉舜卿兼賜銀合茶藥口宣元祐二年九月二日

有敕卿翰屏西服威懷種羗嚴兵盛秋得雋戎落特遣勞問仍示  
寵頒

賜陝府西路轉運判官孫路銀合茶藥口宣元祐二年九月五日

有敕汝以職事出按邊防屬此軍興想勞心計宜加寵錫以示眷懷

賜陝府西路轉運司勾當公事游師雄銀合茶藥口宣元祐二年

九月五日

有敕汝以儒臣習知疆政王事靡盬周爰咨謀宜有寵頒以旌勲瘁

賜涇原路經畧使并應守城禦賊漢蕃使臣已下銀合茶藥

兼傳宣撫問口宣元祐二年九月五日

有敕戎虜逆天無故犯順汝等忠義所激戰守有方摘角相望示

以形勢犬羊自遁亭候無虞爰念勤勞不忘嘉歎

賜大遼賀正旦人使白溝驛御筵并撫問口宣元祐二年九月七日

有敕卿等遠馳華節曷履薄寒眷言郵傳之勤少樂燕嘉之賜往

申寵問式示眷存

賜太師文彥博乞致仕第一表不允批荅口宣元祐二年九月九日

有敕朕上承慈訓下酌民言秉國之成非卿莫可來請雖切朕意

不移

賜太師文彥博乞致仕不允斷來章批荅口宣元祐二年九月十一日

有敕卿望重百辟威聞四夷進退之間輕重所寄毋煩屢請朕命

不移

白溝驛傳宣撫問大遼賀興龍節人使及賜御筵口宣元祐二年

九月十一日

有敕卿等遠馳信幣來慶誕辰念此修塗喜於入境宜燕勞以示

眷存

沿路撫問奉安神宗御容禮儀使呂大防已下口宣元祐二年九月

十二日

鄭州

有敕卿等恭持使節祗事祠宮遠涉郵途實勞啓處特加存問以

示眷懷

鞏縣

有敕卿等出使別都展儀原廟衝涉微凜勤勞遠塗體此眷懷宜

加調衛

西京

有敕卿等暫去闕庭服勤郵傳奉祠之重率禮為勞已事過歸式

符眷遇

賜熙河路副總管姚兪等銀合茶藥口宣元祐二年九月十四日

有敕卿以武畧過人忠義思報焚蕩虜境宜明國威特示寵頒以



觀來效

撫問秦鳳等路臣寮口宣 元祐二年九月十八日

有敕卿等綏馭兵戎布宣條教眷惟思蓋想極劬勞屬此早寒各宜厚愛

西京會聖宮應天禪院奉安神宗御容禮畢押賜禮儀使已

下御容口宣 元祐二年九月二十一日

有敕卿等既成原廟復奠神游乃眷元臣往嚴盛禮宜均燕衍以示眷存

賜嗣濮王宗暉生日禮物口宣 元祐二年九月二十二日

有敕流澤之深積慶之厚嘉此良日篤生賢士受茲多儀永錫難老

賜皇帝鎮寧軍節度使開府儀同三司遂寧郡王佖生日禮

物口宣 元祐二年十月一日

有敕乃眷賢王惟予介弟篤生茲日流慶方來往致予口以為爾壽

趙州賜大遼賀興龍節使副茶樂口宣 元祐二年十月一日

有敕卿等久懃輶傳遠涉風埃既漸邇於中邦方少安於候館往頒珍劑以示眷懷

賜太師文彥博生日禮物口宣

元祐二年十月五日

有敕卿勲在廟社名聞華夷允儲河嶽之靈宜享喬松之壽往頒寵數以慶佳辰

沿路賜奉安神宗御容禮儀使呂大防押班馮宗道并使臣

已下銀合茶藥兼傳宣撫問口宣

元祐二年十月七日

有敕卿等祗率官常往嚴像設屬此寒凝之候眷言往返之勞式示寵綏特加優錫

接伴大遼賀興龍節人使送伴回程與大遼賀正旦人使相

逢撫問口宣

元祐二年十月十七日

有敕卿等並駕使輶遠敦隣好屬風霜之凝冽歷川陸之阻修宜

示眷懷特申問勞

趙州賜大遼賀太皇太后正旦使副茶藥口宣

元祐二年十月十七日

有敕卿等遠馳使傳方次州封念此寒凝艱於涉履特申寵錫以

示眷存

趙州賜大遼賀皇帝正旦使副茶藥口宣

元祐二年十月十七日

有敕卿等遠修聘事來會歲元眷言風駕之勤宜有中途之賜受

茲珍品喻我至懷

雄州撫問大遼賀興龍節使副口宣

元祐二年十月十七日

有敕卿等恭修鄰好遠慶誕辰眷惟授館之初益喜造朝之近往  
申問勞式示眷存

雄州撫問大遼賀正日使副口宣元祐二年十月十八日

有敕卿等遠會春朝篤修鄰好言念乘輅之久欣聞入境之初式  
示眷存往申問勞

賜諸路臣寮中冬衣襪口宣元祐二年十月十八日

有敕霜露荐至衣褐未周念我遠臣何以卒歲往均安燠之賜尚  
體眷懷之深

賜宰相呂公著生日禮物口宣元祐二年十月十八日

有敕卿仁以庇民忠以衛上誕彌之日慶慰良深往錫寵章以介  
眉壽

冬季傳宣撫問諸路沿邊臣寮口宣元祐二年十月十八日

有敕卿等守禦邊疆憂勞夙夜屬茲寒沍想各康強特示眷存往  
申勞問

撫問知河南府張璪知永興軍韓縝口宣元祐二年十月十八日

有敕卿輟自廟堂出為師帥勞於綏御寬我顧憂屬此寒凝勉加  
顧養

冬季撫問陝西轉運使副口宣元祐二年十月十八日

有敕卿等歲事將畢農工既休永言乘傳之勞未遑退食之佚勉加輔養尚副眷懷

冬季撫問諸路沿邊臣寮口宣元祐二年十月十八日

有敕卿等分憂久外並塞早寒眷此勤勞形於軫念往加勞問式示眷存

賜資政殿學士新差知成都府王安禮詔書銀合茶藥傳宣

撫問口宣元祐二年十月二十七日

有敕卿西南之寄古今所難益自祖宗以來式輟鈞衡之舊與衆同樂非卿孰宜

賜于闐國進奉人進發前一日御筵口宣元祐二年十月二十九日

有敕汝等奉琛來覲已事言歸式嘉慕義之誠宜有勞還之澤往頒燕衎祗服恩私

班荆館賜大遼賀正旦人使到闕御筵口宣元祐二年十一月四日

有敕卿等夙抗使旌少休郊館乃眷川途之邈載惟驂馭之勞特賜燕私以旌勲瘁

班荆館賜大遼賀興龍節人使酒果口宣元祐二年十一月九日

有敕卿等遠乘使傳方造都門屬此寒凝久於衝涉宜膺就賜之禮以示勞來之恩

班荆館賜大遼賀興龍節人使御筵口宣

元祐二年十一月十一日

有敕卿等遠犯苦寒來修舊好載喜使華之近特申郊勞之儀服我恩私少留燕衍

相州賜大遼賀正且人使御筵口宣

元祐二年十一月十六日

有敕卿等篤修舊好少憇近邦屬冰雪之嚴凝念車徒之勤勩往加燕勞式示眷懷

賜皇伯祖高密郡王宗晟已下罷散興龍節道場香酒果口

宣元祐二年十一月一日

有敕卿等以義重宗藩志存忠愛先期誕月歸命佛乘逮茲法會

之成宜有匪頒之寵

宗職以下同

賜知樞密院事安燾已下罷散興龍節道場酒果口宣

元祐二年十一月一日

十二月一日

有敕誕彌之慶綿宇所同矧我臣王方茲燕喜宜有柔嘉之賜以成豈第之驩

賜濟陽郡王曹佺罷散興龍節道場酒果口宣

元祐二年十一月一日

有敕卿義重戚藩望隆老且德歸誠覺苑增祝壽山宜有寵頒以昭

厚眷

賜殿前都指揮使燕達已下罷散興龍節道場香酒果口宣

元祐二年十一月一日

有敕卿等志在愛君忠於衛上屬誕彌之紀慶修淨供以祈年宜

有頒寵以旌勤意

步軍副都指揮使苗授以不同

賜知樞密院事安燾已下罷散興龍節道場香酒果口宣元祐

二年十一月一日

有敕彌月之祥敷天同慶協股肱之畢力延釋梵以祈年申以寵

頒助其愷樂

賜太師文彥博已下罷散興龍節酒果口宣元祐二年十一月二日

有敕卿等以彌亮之重勤勞王家因誕慶之辰修崇法會宜頒芳

旨以示眷存

賜大遼賀興龍節前一日內中酒果口宣元祐二年十一月二日

有敕卿等抗旌就館已觀車騎之華奉幣造朝復歎威儀之美就

加寵錫以示眷勲

賜大遼賀興龍節十日內中酒果口宣元祐二年十一月二日

有敕卿等奉幣講歡造廷稱壽嘉禮儀之閑習宜寵錫之便蕃受

此珍甘以旌眷遇


賜大遼賀興龍節朝辭訖歸驛御筵口宣元祐二年十一月二日

有敕卿等使事既終陛辭而復少休賓館將整歸驂特示至懷更

頌嘉燕

東坡集卷三十九

三



東坡集卷之三十九

口宣

眉山蘇軾東坡氏著

賜大遼賀興龍節人使瀛洲回程御筵口宣元祐二年十一月二日

有敕卿等已脩善好復改北轍雖候館之少休眷歸途之尚邈往頒燕俎以示至懷

相州賜大遼賀興龍節使副御筵口宣元祐二年十一月四日

有敕卿等犯寒遠道弭節近邦少休夙駕之勞式示加籩之惠服我寵數以增使華

相州賜大遼賀興龍節使副却回御筵口宣元祐二年十一月四日

東坡集卷三十九口宣

有敕卿等聘事告成還車言邁改轅北道弭節近邦眷言行役之勞宜有燕私之寵

賜大遼賀興龍節人使射弓餽物口宣

元祐二年十一月六日

有敕卿等懷四方之志挾五善之能終日射侯於是觀禮宜申寵錫以佐賓歡

班荆館賜大遼賀興龍節人使回程御筵口宣

元祐二年十一月六日

有敕卿等已事言旋改轅茲始冒寒遠涉軫念良深少憇近郊復

陳燕豆

賜諸路臣寮春季銀鞵兼撫問口宣

元祐二年十一月八日

有敕卿等各竭乃心久勞於外屬此寒凝之候永惟綏馭之勲式示眷存徃加勞問

撫問知大名府馮京口宣

有敕卿以元老卧護北門寬我顧憂相勞綏御屬茲寒沍益務保頤

賜大遼賀興龍節人使朝辭歸驛酒果口宣

元祐二年十一月八日

有敕卿等已事言旋指期夙駕歲寒遠道良用軫懷宜有寵頒以旌勤瘁

賜大遼賀興龍節人使班荆館却回酒果口宣

元祐二年十一月十日



有敕卿等聘事已成征驂言邁往餞於館以華其歸仍有寵頒式  
昭厚眷

班荆館賜大遼賀正旦人使到闕酒果口宣 元祐二年十月十日

有敕卿等遠脩鄰好來會歲元久涉道塗少休郊館宜頒芳旨以  
勞驂駢

就驛賜大遼賀正旦人使宴口宣 元祐二年十月十日

有敕佳辰紀慶聘事告成申敕臣鄰往就舍館同茲衍樂服我惠  
慈

就驛賜大遼賀正旦龍節人使宴花酒果口宣 元祐二年十月十日

有敕卿等遠勤使傳來慶誕辰臨遣重臣往頒燕俎仍加寵錫以  
示至懷

賜大遼賀正旦使副銀鈔鑼等口宣 元祐二年十月十一日

有敕卿等通兩國之懼不遠千里驅一乘之傳來慶三朝宜有寵  
頒以昭異眷

相州賜大遼賀正旦人使却回御筵口宣 元祐二年十月十四日

有敕卿等復理歸鞍少休輔郡念北轅之首路犯西陸之餘寒往  
致恩勤宜留燕衍

賜大遼賀正旦人使却回雄州御筵口宣 元祐二年十月十四日

有敕卿等遠勤郵傳冒涉冰霜眷言徃復之勞已次封圻之上宜  
頒嘉燕以示至懷

賜大遼賀興龍節使副鈔鑼等口宣元祐二年十月十八日

有敕卿等解驂投館方講於鄰歡遣使勞來宜敦於主禮徃加優  
錫以示眷懷

賜大遼正旦人使生餼口宣元祐二年十二月二十四日

有敕卿等郵傳遠勤舍館既定宜敦主禮以犒馭徒徃錫餼率少  
紓勞瘁

送伴正旦使副沿路與賀北朝生辰并正旦使副相逢傳宣

撫問口宣元祐二年十二月二十五日

有敕卿等銜命出使徂冬涉春適寒苦之倍常知勤勞之加舊勉  
驅郵傳來造會朝

賜大遼賀正旦入賀畢使副就驛酒果口宣元祐二年十二月二十六日

有敕卿等既覲闕庭少安館舍宜行慶賜以樂春朝徃致甘芳式  
華觴豆

賜大遼賀正旦入賀畢使副就驛御筵口宣元祐二年十二月二十六日

有敕卿等遠抗使旃來陳慶幣眷東風之協應喜上日之同歡宜  
就驛亭徃頒燕豆

賜大遼賀正旦使副前一日內中酒果口宣

元祐二年十二月二十七日

有敕方輿嗣歲既饑餘寒喜鄰好之驚脩念使華之少駐式頒珍異以示眷懷

賜大遼賀正旦却回班荆館御筵口宣

元祐二年十二月二十七日

有敕卿等聘事既成歸途方啓言念改轅之始少留張飲之歡往推恩勲下及徒馭

賜大遼賀正旦朝辭訖歸驛御筵口宣

元祐二年十二月二十七日

有敕卿等寓館久勤趨庭告去不假壺觴之樂曷爲徒馭之華服我恩私少留宴衍

賜大遼賀正旦朝辭訖歸驛御筵酒果口宣

元祐二年十二月二十八日

有敕卿等聘事告成歸車夙駕屬此寒凝之末眷言往返之勤錫此珍芳以將寵遇

賜大遼賀正旦使副回程御筵口宣

元祐二年十二月二十八日

有敕卿等聘事既成歸途尚邈屬此冰霜之候眷言來往之勤宜錫燕私少紓行役

賜大遼賀正旦使副春幡勝口宣

元祐二年十二月二十九日

有敕剪刻之工風俗惟舊眷皇華之在館屬春陽之肇新宜有分頒以增賁飾

賜大遼賀正日使副射弓例物口宣元祐二年十一月二十九日

有敕卿等出遊禁籞觀藝射侯弓矢既均禮儀卒度宜加寵錫以

侑燕歡

瀛洲賜大遼賀正日大使回程御筵口宣元祐三年正月五日

有敕卿等來修舊好遠冒初寒涉歷冬春服勤郵傳示頒嘉燕以

荅久勞

賜宰相呂公著上第二表乞致仕不允批荅口宣元祐二年三月二十一日

九日

有敕朕以冲眇垂拱仰成卿以耆老圖任其政無故而去於義未

安

賜宰相呂公著乞致仕不允斷來章批荅口宣元祐二年四月一日

有敕卿望重縉紳義均休戚如左右手可須臾離雖屢形於懇詞

必難移於朕意

閣門賜新除守司空同平章軍國事呂公著誥口宣元祐三年四月

七日

有敕卿正位三公具瞻多士式資坐論以副仰成體朕眷懷服此

明命

閣門賜新除宰相呂大防范純仁誥口宣元祐三年四月七日

有敕朕稽參衆庶登用俊良並建宰司同陞揆路祗承明命仰副眷懷

賜新除尚書左僕射呂大防尚書右僕射范純仁辭免恩命

不允批荅口宣元祐三年四月十日

有敕卿望重縉紳才兼文武弼亮之選中外同然毋或固辭以稱

朕意

賜呂公著辭恩命上第二表不允斷來章批荅口宣元祐三年四月

十三日

有敕卿以全德式符具瞻宜與師臣共爲民表欽承明命佇聽嘉

謨

賜范純仁呂大防辭恩命上第二表不允斷來章批荅口宣

元祐三年四月十三日

有敕卿以宏材久與大政擢升宰輔實慰具瞻宜速拜嘉毋煩謙

避

賜新除門下侍郎孫固辭免恩命不允斷來章批荅口宣元祐

三年四月十四日

有敕卿金華元老西樞舊臣與政東臺實慰輿議祗膺成命毋復

固辭

賜劉摯辭免恩命不允斷來章批荅口宣元祐三年四月十四日

有敕稽參衆言蔽自朕志西臺之貳無以逾卿亟踐厥官毋煩屈

避

賜王存辭免恩命不允斷來章批荅口宣元祐三年四月十四日

有敕卿純忠許國雅望在人官以次升義無足避其承休寵以副

眷懷

賜胡宗愈辭免恩命不允斷來章批荅口宣元祐三年四月十四日

有敕卿雅望在人純忠許國既以彙進胡爲力辭宜體至懷卽膺

成命

賜趙瞻辭免恩命不允斷來章批荅口宣元祐三年四月十四日

有敕朝廷用人議論先定不次之舉非卿孰宜亟服休恩毋煩固

避

賜河北兩路諸軍秋季銀鞋兼傳宣撫問臣寮將校口宣元祐三年四月十八日

三年四月十八日

有敕卿等憂寄之深疆事靡監眷言勞勩想各平寧體我至懷受

茲時賜

宣詔許內翰入院口宣元祐三年四月十七日

有敕卿拔自循良老於文學禁林之命儒者所榮往祗厥司以究

所蘊

白溝驛賜大遼賀坤成節人使御筵兼傳宣撫問口宣元祐三年

四月二十二日

有敕卿等遠涉暑途來陳慶幣眷言徒御久犯風埃往賜燕娛少

休行役

賜大遼賀坤成節人使生餼口宣

元祐三年五月十日

有敕卿等肅將鄰好來慶誕辰徒馭久勞館宇初定宜頒委積以

示寵章

賜安燾乞退不允斷來章批荅口宣元祐三年六月一日

有敕卿以舊德首冠西樞雅望既隆仰成彌重宜安厥位以卒

予

賜北京恩等州脩河官吏及都轉運使運判監丞等銀合

茶藥并兵級等夏藥特支兼傳宣撫問口宣元祐三年六月十四日

有敕卿等夙夜河壩暴露野次屬茲暑雨深軫予懷徃示寵頒少

慰勞苦

撫問保寧軍節度使知大名府馮京兼賜銀合茶藥口宣元祐三年六月十四日

三年六月十四日

有敕河役方興吏民在野暑雨之際綏御為勞膺此寵頒尚加慎

護

賜大中大夫守尚書左僕射兼門下侍郎呂大防生日禮物

口宣 元祐三年六月二十二日

有敕乃眷良辰篤生元輔豈獨縉紳之望允為河岳之英今遣爾甥往致朕命受茲休寵永介壽祺

賜皇弟山南東道節度使闕府儀同三司大寧郡王佖生日

禮物口宣 元祐三年六月二十二日

有敕乃眷賢王篤生茲日本枝之慶華萼相承宜分廐庫之良以

致喬松之壽

賜大遼人使賀坤成節入見訖歸驛御筵口宣 元祐三年七月八日

有敕卿等初祝使車已陳慶幣退安館舍往錫燕觴式示眷懷且旌勞勩

賜大遼人使賀坤成節入見訖歸驛酒果口宣 元祐三年七月八日

有敕卿等趨庭致命就館即安少休行役之勞宜示眷懷之異式

昭寵數往錫甘芳

班荆館賜大遼賀坤成節人使回程御筵口宣 元祐三年七月八日

有敕卿等使事畢陳還車載啓改轍而北弭節少留就錫燕嘉式昭禮遇



玉津國賜大遼賀坤成節人使射弓例物口宣元祐三年七月九日

有敕卿等既陳慶幣辰射侯豈獨娛賓亦將觀德宜有珍良

錫以旌審固之能

賜殿前司罷散坤成節道場香酒果口宣元祐三年七月九日

有敕卿忠存衛上義切戴君爰祝壽山克成梵供宜加寵錫以

眷懷

賜宗室開府儀同三司以下罷散坤成節道場香酒果口宣

元祐三年七月九日

有敕卿以令德懿親共輸誠悃各監法俱虔祝壽祺既徹淨筵

加寵錫

賜馬步軍司罷散坤成節道場香酒果口宣元祐三年七月十二日

有敕卿等共罄臣衷力祈慈壽爰脩法會亦既生口成宜有寵頒以

旌誠懇

賜知樞密院事安燾已下罷散坤成節道場香酒果口宣元祐三年七月十二日

元祐三年七月十二日

有敕卿等忠存廟社義篤君親嘉法會之有成祝聖齡於無極宜

加寵賚以示眷懷

賜皇伯祖嗣濮王宗暉已下罷散坤成節道場香酒果口宣

元祐三年七月十二日

有敕卿等為國懿親助我孝治祝慈闈之永壽成法會於茲辰宜有寵頒以精忠悃

賜皇叔楊王醴泉觀罷散坤成節道場香酒果口宣元祐三年三月

十二日

有敕卿等以周邵之親躬任妣之眷一作養力祈壽嘏祇扣佛乘既

徹淨筵宜膺寵眷

賜太師文彥博已下罷散坤成節道場香酒果口宣元祐三年七月

十二日

有敕元老在廷百官承式啓法筵於梵宇祝壽嘏於慈闈宜有寵頒以助燕喜

相州賜大遼賀坤成節人使却回御筵口宣元祐二年七月十三日

有敕卿等遠飭征驂少休近郡載惟勤勩良極軫懷往錫宴觴以華歸騎

瀛洲賜大遼賀坤成節人使回程御筵口宣元祐二年七月十三日

有敕卿等遠聘通歡言歸復命改轍北道弭節邊城宜錫燕觴少

休行役

賜護國軍節度使濟陽郡王曹佺罷散坤成節道場香酒果

口宣 元祐三年七月十三日

有敕卿以耆德首冠威藩虔祝壽祺告成法會宜加寵賚以助燕私

班荆館賜大遼賀坤成節人使回程酒果口宣 元祐三年七月十三日

有敕卿等致命言還改轅伊始暑雨方作徒馭實勞宜有寵頒以昭眷遇

就驛賜大遼國賀坤成節人使宴口宣二首 元祐三年七月十六日

有敕卿等遠馳使傳來會誕辰言念勤勞宜加旌寵特頒燕喜以示眷懷

一 元祐三年七月十六日

有敕卿等肅將慶幣來舉壽觴臨遣輔臣徃頒燕豆仍加寵賚以示眷懷

賜新除殿前副都指揮使武泰軍節度使苗授辭免恩命筮二表不允批 元祐三年七月二十一日

有敕卿早練武經晚著邊效進持帥節實允僉言矧以次遷無煩懇避

撫問秦鳳路臣寮口宣 元祐三年七月二十四日

有敕卿等久以選掄出分憂寄疆場之重綏御為勞宜示眷懷徃

宣指諭

賜駙馬都尉李瑋已下罷散興龍節道場香酒果口宣元祐三年

十月三十日

有敕震夙紀辰邇同祝乃眷戚藩之重預脩淨供之嚴亦既告

成宜膺寵錫

賜殿前副都指揮使苗授已下罷散興龍節道場香酒果口

宣

有敕卿等以衛上之忠屬誕彌之慶預嚴淨會以薦壽祺及此告

成宜加寵賚

賜權管勾馬軍司公事姚晟已下罷散興龍節道場酒果口

宣元祐三年十一月三十日

有敕卿等率職周廬歸誠梵宇共致延鴻之祝出於忠愛之深宜

錫珍芳以助燕衍

興龍節尚書省賜知樞密院事安燾已下酒果口宣元祐三年十一月

十月三十日

有敕卿等任重樞機忠存廟社屬誕辰之薦壽脩法會以告成錫

以珍芳助其燕喜

賜大遼賀興龍節人使生餼口宣元祐三年十一月一日

有敕卿等遠持慶幣申講鄰歡徒馭有華舍館方定宜徃餽牽之錫以旌郵傳之勤

賜濟陽郡王曹佾罷散興龍節道場香酒果口宣元祐三年十二月一日

有敕卿寵冠戚藩望隆舊德將祝無疆之壽故脩最上之乘既

淨筵宜膺寵錫

賜皇伯祖嗣濮王宗暉已下罷散興龍節道場香酒果口口

元祐三年十二月一日

有敕眷我宗英乃心王室修彼龍天之供慶茲虹電之祥宜有分以成燕喜

賜皇叔祖同知大宗正事宗下罷散興龍節道場香酒果口

宣元祐三年十二月二日

有敕乃眷宗英祇率藩服慶誕辰而薦壽脩淨會以告成宜有分頒以助燕喜

賜皇叔徐王罷散興龍節道場香酒果口宣元祐三年十二月二日

有敕卿望隆周召德邁間平屬誕慶之紀辰仗佛乘而薦祉助茲宴喜錫以柔嘉

賜文太師已下罷散興龍節道場香酒果口宣元祐三年十二月二日

有敕乃眷師臣身先百辟有嚴淨供祇薦萬齡宜有分頒以助燕

喜

賜樞密安燾已下罷散與節道場香酒果口宣元祐三年十二月一日

有敕樞機之臣社稷是衛夙設人天之供共祈箕翼之祥宜膺寵

頒式助燕喜

班荆館賜大遼賀興龍節人使到闕御筵口宣元祐三年十一月五日

有敕卿等遠將鄰好至止都門屬霜霧之嚴凝念車徒之勤瘁宜

伸燕衍以示眷懷

賜大遼賀興龍節人使朝辭訖歸驛御筵口宣元祐三年十一月五日

有敕卿等聘事告成陞辭言邁念歸途之云遠復賓館之少留體

我眷懷其茲宴喜

七日賜大遼賀興龍節人使內中酒果口宣元祐三年十一月五日

有敕卿等柅車就館布幣造廷既欣鄰好之脩復歎使華之美就

加寵賚式示眷存

玉津園賜大遼賀興龍節人使射弓御筵口宣元祐三年十一月五日

有敕卿等使節有華鄰歡載講既娛賓於靈囿將觀德於射侯宜

有寵頒以旌命中

相州賜大遼賀正日人使御筵口宣元祐三年十一月六日

有敕卿等春朝畢會鄰聘交馳屬徂歲之沍寒念遠勤於行李往

頒燕衍以重使華

班荆館賜大遼賀興龍節人使回程御筵口宣元祐三年十月六日

有敕卿等告辭中禁改乘北轅屬晚歲之嚴凝念征途之悠緬往

頒嘉燕可復少留

十日賜大遼賀興龍節人使內中酒果口宣元祐三年十月七日

有敕卿等造延稱壽率禮可觀豈惟鄰好之脩亦見使華之美宜

膺寵錫以示至恩

班荆館賜大遼賀興龍節人使却回酒果口宣元祐三年十月七日

有敕卿等改轅北路供帳都門風埃浩然徒馭勒止宜膺寵錫以

示恩華

瀛洲賜大遼賀興龍節人使回程御筵口宣元祐三年十月七日

有敕卿等回車北道弭節邊亭使事已終歸驂少憇任頒燕衍益

厚眷存

賜皇弟普寧郡王侯生日禮物口宣元祐三年十月七日

有敕朕之介弟生以茲辰眷棣萼之相輝祝椿齡之壽老宜同慶

喜往致寵頒

相州賜大遼賀興龍節人使回程御筵口宣元祐三年十月九日

有敕卿等風駕歸軒少休旁郡眷言勞勩良極顧懷任錫燕嘉以

旌恩眷

趙州賜大遼賀正且使副茶藥口宣元祐三年十一月七日

有敕卿等遠脩舊好屬此沍寒載歷山川久蒙霜露且有精良之賜式彰軫念之懷

趙州賜大遼賀太皇太后正且使副茶藥口宣元祐三年十一月十日

有敕卿等遠馳四牡來慶三朝屬此歲寒勞於行役宜膺寵錫以示眷存

興龍節尚書省賜宰相已下酒果口宣元祐三年十一月十日

有敕誕彌之慶中外所同眷我臣鄰共茲燕喜宜加寵賚以示眷

懷

就驛賜大遼賀興龍節使副鈔鑼等口宣元祐二年十二月二十二日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

玉津園賜大遼賀正且人使射弓例物口宣元祐三年閏十二月三日

有敕射以娛賓抑將觀德發而命中曾不出正宜旌審固之能膺受珍良之賜

撫問知大名府馮京口宣元祐三年閏十二月八日

有敕卿等夙分重寄言念久勞歲律云周王事靡盬益加輔養以



副眷懷

冬奉傳宣撫問河北東路沿邊臣寮口宣元祐三年閏十月八日

有敕疆場之守職思其憂霜露既凝歲聿云暮宜加厚愛以副眷

懷

賜大遼賀正旦人使銀鈔羅唾孟子錦被等口宣元祐三年閏十二月

十八

有敕卿遠將鄰好來慶春朝眷言跋履之勤宜有珍華之賜受茲

體我至懷

雄州撫問大遼賀正旦人使口宣元祐三年閏十二月五日

有敕卿等肅將慶幣來會春朝遠犯風埃實勞徒馭欣聞入境良

慰眷懷

賜大遼賀正旦人使正月一日就驛御筵口宣元祐三年閏十二月二十

五

有敕使華遠至春律肇新卽卿舍館之安昭我惠慈之眷往陳燕

豆以樂佳辰

賜大遼賀正旦人使內中酒果口宣元祐三年閏十二月二十五日

有敕卿等瑞節華軒來脩舊好醇醪珠實以薦新春膺此寵頒體

予異眷

班荆館賜大遼賀正且使回程御筵口宣元祐三年閏十月二十五日

有敕卿等使事告成旋車言邁方改轅於北道暫弭節於都門昭示眷懷少留宴衍

賜于闐國進奉人使正且就驛御筵口宣元祐三年閏十月二十五日

有敕重譯遠來觀光戾止屬人正之改律樂天敘之發春宜示寵

休式同燕喜

雄州賜大遼國賀正且人使回程御筵兼傳宣撫問口宣元祐三年閏十月二十五日

有敕卿等已事告歸柅車少憩眷言長道遠犯餘寒宜錫燕喜以

旌勞勩

瀛洲賜大遼賀正且人使回程御筵口宣元祐三年閏十月二十五日

有敕卿等已聘言旋犯寒遠邁方駟東於北道復弭節於邊城宜

錫宴嘉以旌勞勩

班荆館賜大遼賀正且人使却回酒果口宣元祐四年正月一日

有敕卿等還璋言邁弭節少留念鞭轡之方勤涉冰霜之餘凜宜

陳燕俎以寵歸軒

正月六日朝辭訖就驛賜大遼賀正且人使御筵口宣元祐四年正月一日

正月一日

有敕卿等使事告成陛下辭言邁命近臣之往勞庶遠道之少留體  
我眷懷共茲宴衍

撫問鄜延路臣寮口宣

元祐四年正月八日

有敕卿等分寄邊陲輯寧吏士眷言勤勩良極軫懷往致朕言各

宜尚慎

撫問鄜延路臣寮口宣

元祐四年六月十一日

有敕卿等各膺器使祗服邊陲眷茲靖安時乃忠力特加勞問以  
示顧懷

賜右正議大夫守尚書左僕射呂大防生日禮物口宣

元祐四年

六月十一日

有敕惟茲穀旦生我元臣爰小服食之良往助闔門之喜式爲爾  
壽宜識朕心

賜皇叔徐王顧生日禮物口宣

元祐四年六月二十一日

有敕乃眷賢王實爲社稷之衛載臨誕日永集邦家之休臨遣使  
車往致眉壽

就驛賜大遼賀坤成節人使銀鈔鑼等口宣

元祐四年六月二十三日

有敕卿等遠勤使節展慶誕辰畏暑長途方卽安於舍館精金良  
幣宜往致於恩私

賜皇弟大寧郡王似生日禮物口宣

元祐四年六月二十五日

有敕桑蓬示喜復臨載育之辰金幣展親徃致友于之愛膺予寵

賚俾爾壽昌

班荆館賜大遼賀坤成節國信使副到闕酒果口宣

元祐四年七月

四日

有敕卿等抗旃遠道解鞅近郊念館舍之未安宜驂駢之少憇式

頒芳旨以示眷懷

賜馬步軍太尉姚鄰已下罷散坤成節道場香酒果口宣

元祐

四年七月四日

有敕卿等誕辰祇慶法會告成嘉與函生同躋壽域往頒芳旨以

勞忠勤

賜大遼坤成節使副生餽口宣

元祐四年七月七日

有敕卿等抗旃暑路弭節驛亭眷惟行李之勤徃致珍鮮之餽膺

茲寵數明我眷懷

雄州白溝驛賜大遼賀坤成節人使却回御筵兼傳宣撫問

口宣 元祐四年七月七日

有敕卿等飛蓋西風改轍北道喜山川之漸近忘徒御之久勞徃

致眷懷少留燕衍

玉津園賜大遼賀坤成節人使射弓例物口宣元祐四年七月八日

有敕卿等圭璋致命既已講歡弓矢娛賓亦將觀德宜有珍華之賜以旌審固之能

賜殿前都指揮使以下罷散坤成節道場香酒果口宣元祐四年

七月九日

有敕誕彌之慶海宇攸同嘉將帥之協恭設人天之妙果宜均寵錫以示褒優

賜皇伯祖高密郡王宗晟以下罷散坤成節道場香酒果口

宣元祐四年七月九日

有敕眷我宗英志存忠報脩等慈之妙供祝難老之昌期嘉此精誠均其慶賜

賜同知樞密院事韓忠彥以下罷散坤成節道場香酒果口

宣元祐四年七月九日

有敕嘉我樞臣義均一體脩茲淨供慶續千齡不有寵頒曷旌忠報

相州賜大遼賀坤成節人使却回御筵口宣元祐四年七月九日

有敕鄰好既成使華有耀眷邦畿之漸遠念郵傳之方勤服我恩私少留燕喜

賜大遼國賀正成節使副時花酒果口宣元祐四年七月十日

有敕鄰歡既展賓館歸休宜命醖宰之醇復致瓜華之侑少將至意其服茂恩

賜平海軍節度使駙馬都尉李瑋已下罷散坤成節道場香

酒果口宣元祐四年七月十日

有敕卿等義重戚藩志同忠報屬誕辰之均慶嘉法會之告成宜示褒優特加寵賚

坤成節尚書省賜宰臣已下御筵酒果口宣元祐四年七月十一日

有敕忠存柱石誠貫人天共欣誕日之臨既畢祗園之會宜頒芳

旨以助燕衍

坤成節賜同知樞密院事韓忠彥已下尚書省御筵酒果口

宣元祐四年七月十二日

有敕脩佛勝因祈天永命既肅成於梵供益表見於忠誠宜有寵頒以同燕喜

賜大遼賀坤成節人使朝辭訖歸驛御筵口宣元祐四年七月十二日

有敕卿等已聘告歸少休就館即頒燕俎臨遣輔臣式示異恩以

榮回馭

班館賜大遼賀坤成節人使回程御筵口宣元祐四年七月十二日

有敕卿等方事回轅聊茲弭蓋念征途之尚永加秋暑之未衰往錫燕嘉少休徒馭

賜宰相呂大防已下罷散坤成節道場香酒果口宣元祐四年七月

十一日

有敕卿等竭誠衛上體國均休恪脩西竺之儀仰獻南山之祝宜膺寵錫以示褒優

賜大遼賀坤成節使副內中酒果口宣元祐四年七月十二日

有敕卿等來陳慶幣克講鄰歡載嘉遠聘之勤宜示寵綏之意頒茲芳旨服我恩私

賜大遼賀坤成節人使朝辭訖歸驛酒果口宣元祐四年七月十二日

有敕卿等遠敦使事率禮無違既上謁辭言還有日宜加頒錫益

示寵榮

坤成節就驛賜阿里骨進奉人使御筵口宣元祐四年七月十四日

有敕汝等來脩真籙適遘誕辰宜均慶賜之恩共樂亨嘉之會往

頒燕俎咸極歡心

瀛洲賜大遼賀坤成節人使回程御筵口宣元祐四年七月十四日

有敕鞭轡旣勞封疆漸邇雖勤歸念少憇暑途服我恩私式同燕

喜

坤成節就驛賜于闐國進奉人使御筵口宣 元祐四年七月十四日

有敕汝等奉琛遠至授館少留適蓬誕辰宜均慶澤欽承恩渥其

樂燕私

班荆館賜大遼賀坤成節人使回程酒果口宣 元祐四年七月十七日

有敕卿等奉璋來聘弭節言還眷此著途少留歸馭往頒燕俎式

示恩私

賜新除守司空同平章軍國事呂公著辭免不允批荅口宣

有敕朕圖任元老以表四方以卿望在士民心存社稷勉膺異數

式副僉言

賜皇弟普寧郡王似生日禮物口宣

有敕歲將更端月亦既望實以茲日篤生賢王宜厚寵頒以介多

福

